

JP Nacionalni park „Una“ d.o.o. Bihać

Ured direktora

Ul. Gazi-husrev begova br. 15

77 000 B I H A Ć

Broj: 01-3569/25

Bihać, 31.12.2025. godine

Na temelju člana 39. i člana 41. Statuta JP Nacionalni park „Una,, d.o.o. Bihać, a u vezi sa članom 9. stav 2. tačka. 3. Zakona o Nacionalnom parku „Una“ („Službene novine Federacije BiH“ broj: 44/08) i odredbi članova 4.-10. Pravilnika o unutarnjem redu u Nacionalnom parku Una („Službene novine Federacije BiH“ broj: 4/25), v.d. direktora d o n o s i

O D L U K U

o uvjetima i načinu organizacije sportsko - rekreativnih aktivnosti
na vodenim tokovima u području Nacionalnog parka „Una“ za 2026. godinu

Član 1.

Ovom Odlukom uređuju se pitanja od značaja za organizaciju sportsko - rekreativnih aktivnosti na vodenim tokovima u području Nacionalnog parka „Una“ Bihać i to: rafting, kajakaštvo, kanu, podvodne aktivnosti (ronjenje) i druge dozvoljene sportsko-rekreativne aktivnosti na vodotocima.

Član 2.

- (1) Organizacijom sportsko - rekreativnih aktivnosti iz člana 1. ove Odluke mogu se baviti pravna lica koja imaju potpisan Ugovor sa JP Nacionalni park „Una“ d.o.o. Bihać i koja su registrirana za pružanje ove vrste usluga posjetiteljima, kao i posjetitelji koji plovidbu vrše u vlastitoj organizaciji koristeći vlastita plovila i propisanu opremu.
- (2) Posjetitelji koji imaju namjeru plovidbu vršiti samostalno u vlastitoj organizaciji, moraju ispuniti određene uvjete propisane Pravilima o uvjetima i načinu organizacije sportsko-rekreativnih aktivnosti na vodenim tokovima u području Nacionalnog parka „Una“ za 2026. godinu.

Član 3.

Sastavni dio ove Odluke čine Pravila o uvjetima i načinu organizacije sportsko - rekreativnih aktivnosti na vodenim tokovima u području Nacionalnog parka „Una“, a koja su u skladu sa odredbama Zakona o Nacionalnom parku „Una“ („Službene novine Federacije BiH“ broj: 44/08) i Zakona o unutrašnjoj i pomorskoj plovidbi ("Službene novine Federacije BiH", broj: 73/05), Pravilnika o unutarnjem redu u Nacionalnom parku Una („Službene novine Federacije BiH“ broj: 4/25), kao i drugih propisa koji reguliraju riječnu plovidbu i provođenje aktivnosti na i u vodi.

Član 4.

- (1) Pravna i fizička lica iz tačke 2. ove Odluke su dužna uplatiti novčanu naknadu za provođenje sportsko - rekreativnih aktivnosti na vodenim tokovima u području Nacionalnog parka „Una“, gotovinski ili na bankovni račun Javnog preduzeća isključivo uz prethodnu najavu upravi Javnog

preduzeća. Plaćanje u gotovini se može izvršiti u naplatnim kućicama na ulazima u posjetilačke zone i u info kućicama u Kulen Vakufu i Martin Brodu.

(2) Visina naknade određuje se Cjenovnikom JP Nacionalni park „Una“ d.o.o. Bihać za 2026. godinu.

Član 5.

- (1) Svakom posjetitelju ili grupi posjetitelja (grupna ulaznica) koji upražnjava sportsko-rekreativne aktivnosti na vodenim tokovima u području Nacionalnog parka „Una“, Javno preduzeće je dužno izdati ulaznicu (ulaznica za rafting, kajak, kanu, ronjenje) i fiskalni račun.
- (2) Na dan plovidbe ili ronjenja, posjetitelji mogu ulaznicu za plovidbu ili ronjenje na/u vodenim tokovima koristiti i za posjetu drugim dijelovima Nacionalnog parka „Una“ gdje se vrši naplata ulaza u posjetilačke zone „Štrbački buk-Lohovo“ i „Martin Brod“.

Član 6.

U cilju što kvalitetnije organizacije Internacionalne turističke Una regate i izbjegavanja gužve na vodenim tokovima kuda plovi Regata, neće biti dopušten komercijalni rafting i kajakaštvo u vrijeme trajanja Regate kroz područje Nacionalnog parka Una u osim prijavljenih plovila učesnika Regate i organizatora.

Član 7.

- (1) Subjektima koja se bave organizacijom sportsko - rekreativnih aktivnosti na vodenim tokovima u području Nacionalnog parka „Una“, a koja nisu izmirila financijske obaveze po pitanju naknada za organizaciju sportsko-rekreativnih aktivnosti na vodenim tokovima prema JP Nacionalni park „Una“ d.o.o. Bihać, neće biti dozvoljeno obavljanje djelatnosti iz člana 1. ove Odluke do momenta izmirenja dugovanja.
- (2) Zabrana iz stava 1. ovog člana se odnosi i na situacije kada organizator aktivnosti na/u vodi ne ispunjavanja propisane uvjete za obavljanje djelatnosti (adekvatno i registrirano raft plovilo, osnovna zaštitna oprema, skiper-upravljач plovilom mora posjedovati uvjerenje o položenom ispitu za upravljača čamca).

Član 8.

Ova Odluka stupa na snagu danom donošenja, a primjenjivati će se za kalendarsku 2026. godinu.

V. D. direktora

Alen Zulić

JP Nacionalni park „Una“ d.o.o. Bihać

Ured direktora

Ul. Gazi-husrev begova br. 15

77 000 B I H A Ć

Broj: 01-3569-1/25

Bihać, 31.12.2025. godine

Na temelju člana 39. i člana 41. Statuta JP Nacionalni park „Una,, d.o.o. Bihać, a u vezi sa članom 9. stav 2. tačka. 3. Zakona o Nacionalnom parku „Una“ („Službene novine Federacije BiH“ broj: 44/08) i odredbi članova 4.-10. Pravilnika o unutarnjem redu u Nacionalnom parku Una („Službene novine Federacije BiH“ broj: 4/25), v.d. direktora d o n o s i

P R A V I L A

o uvjetima i načinu organizacije sportsko-rekreativnih aktivnosti
na vodenim tokovima u području Nacionalnog parka „Una“ za 2026. godinu

Član 1.

Pravna i fizička lica koja organiziraju sportsko-rekreativne aktivnosti na vodenim tokovima u području Nacionalnog parka „Una“ dužna su:

- ishoditi propisanu registraciju od nadležne kapetanije za rafting čamce,
- za organizaciju i vršenje usluge plovidbe sportskim veslačkim čamcima, kajacima, kanuima i drugim plovilima osigurati zakonom propisanu registraciju za vršenje ovih djelatnosti,
- osigurati da plovilom upravlja osoba sa položenim ispitom za upravljača čamcem na unutrašnjim i pomorskim plovnim putevima (tzv. skiper),
- recepcionaru na ulazu u posjetilačke zone najaviti planiranu plovidbu sa brojem posjetitelja,
- osigurati učesnike koji su u plovilu kod nadležnih osiguravajućih kuća,
- svakom učesniku raftinga i kajaka osigurati osnovnu opremu (spasilački prsluk, zaštitnu kacigu i veslo),
- upoznati učesnike sa pravilima koja se primjenjuju u području Nacionalnog parka „Una“,
- osigurati transport i prihvat ljudi i vozila na način da se ne narušava prirodni okoliš,
- dozvoliti učešće maloljetnim osobama samo uz pismeno odobrenje ili prisustvo roditelja ili staratelja,
- osigurati da se oprema i ambalaža koju koriste učesnici u čamcima tokom plovidbe spremi na adekvatan način, tako da ne može onečistiti rijeku Unu, čak i u slučaju prevrtanja čamca (plastično bure sa poklopcem ili adekvatna jača vreća vezane za čamac),
- za ulazak u vodu koristiti samo za tu namjenu određena mjesta i to:
 - a) u naseljenom mjestu Martin brod–lokalitet Lučica na rijeci Unac (mjesto gdje starta Internacionalna Una regata),
 - b) u naseljenom mjestu Kulen Vakuf – u granicama naseljenog mjesta,
 - c) 500 m uzvodno od Štrbačkog buka, mjesto gdje je za ovu namjenu pripremljen adekvatan silaz u vodu, postavljena signalizacija sa natpisom Start rafting sa kabinama za presvlačenje učesnika,
 - d) u području Štrbačkog buka – sa drvene platforme ispod sedrenih barijera Štrbačkog buka.

- sukladno Uredbi o organizaciji, načinu rada i ovlastima nadzorničke službe zaštite prirode („Službene novine Federacije BiH“ broj: 14/16) omogućiti nadzornicima Nacionalnog parka Una utvrđivanje broja učesnika raftinga, pregled plovila, opreme, licenci skipera, registracije plovila i stvari koje se namjeravaju unijeti u čamac prije startanja.

Član 2.

Pravnim i fizičkim lica koja organiziraju ove vrste sportsko-rekreativnih aktivnosti na vodotocima u području Nacionalnog parka „Una“ nije dozvoljeno:

- unositi alkoholna pića u plovilo osim nužne opreme i osvježavajućih napitaka koji su spremljeni u hermetički zatvorenu plastičnu posudu ili vreću pričvršćenu za plovilo,
- koristiti bilo kakve pogonske motore na plovilima,
- pušiti i konzumirati alkoholna pića u rafting čamcima tokom plovidbe ili ulazak vidno alkoholisanih lica u plovilo (takvim osobama će biti zabranjen ulazak u plovilo),
- ložiti otvorenu vatru na području Nacionalnog parka „Una“ osim na mjestima koja su označena za ovu namjenu,
- odlagati otpad u vodotoke ili na obale, osim na mjesta koja su predviđena za ovu namjenu,
- izlovljavati ribe, loviti i uznemiravati divlje životinje, ubirati šumske plodove i biljke koje obitavaju području Nacionalnog parka „Una“,
- kampirati u području Nacionalnog parka osim na mjestima koja su određena za tu namjenu,
- vršiti pristajanje čamcima i izlazak raftera na teritoriju Republike Hrvatske odnosno na lijevu obalu rijeke Une na dijelovima vodotoka gdje je rijeka Una čini administrativnu granicu između Bosne i Hercegovine i Republike Hrvatske.

Član 3.

- (1) Nadzor nad provođenjem ovih Pravila i Odluke o uvjetima i načinu organizacije sportsko – rekreativnih aktivnosti na vodenim tokovima u području Nacionalnog parka „Una“ vršiti će Služba nadzora i zaštite, tehničkih poslova, održavanja i korištenja područja JP Nacionalni park „Una“ d.o.o. Bihać.
- (2) Inspeksijski nadzor nad odredbama ovog i ostalih propisa i uvjeta donesenih na temelju Zakona o Nacionalnom parku „Una“ („Službene novine Federacije BiH“ broj: 44/08), Zakona o zaštiti prirode Federacije BiH („Službene novine Federacije BiH“ broj: 66/13), Zakona o unutrašnjoj i pomorskoj plovidbi („Službene novine Federacije BiH“, broj: 73/05), Pravilnika o unutarnjem redu u Nacionalnom parku Una („Službene novine Federacije BiH“ broj: 4/25) i drugih propisa, vršiti će nadležni inspektori.

Član 4.

Ova Pravila stupaju na snagu danom donošenja, a primjenjivat će se za kalendarsku 2026. godinu.

V. D. direktora

Alen Zulić